





朔州志

朔州圖書館  
地方文獻




07400 03400

疆域山川名勝古蹟全圖



方輿輿地得聞城堡墩鋪道里全圖

東西七十二里  
南北九十五里



朔州志卷之三

方輿志

沿革

疆域

山川

巡幸

古蹟

書賦  
文  
風俗

方輿有紀肇自禹貢詳於周官從來尚則地列古今

變置之久近山川道里之險夷民物風土之醇澆名

邱勝蹟之興廢使觀者燦若指掌統於方輿備之所

係綦重哉朔州晉之北鄙當中外之交輿地最廣雖

歷代遞興沿革不常而疆域猶是山川依然其間四

方所至關隘道路疆界攸分形勝風景歷歷可指而

地居衡岳之西雁塞之北國有大事或祀輿戎乘輿

時一駐蹕焉若夫豪傑挺生英雄用武世遠人湮遺踪猶在至於移風易俗雖由人為所致要亦地氣使然皆為方輿所必詳爰別為序次如左而各冠以圖以便觀覽云志方輿

### 沿革

唐 堯都平陽分天下為九州地屬冀命和叔宅朔方曰幽都地在冀北因名朔幽 見尚書及通考

虞 舜都蒲坂肇十有二州置牧命禹治水始冀以冀廣析為并幽營三州地介并幽 見尚書及通考

夏 禹都安邑復并天下為九州地仍屬冀 見禹貢及通考

商 湯都亳因夏九州封同姓於代地在代西屬冀 見獻通考

周 武王都鎬分天下為九畿亦曰九州列職方正北

曰并州 春秋晉之北鄙狄人所居 戰國趙襄子滅代武靈王破林胡樓煩攘地千里置雲中雁門代郡地介其中 見文獻通考

秦 始皇都咸陽罷侯置守分天下為四十郡於雁門

郡始置馬邑縣 按廿一史記始皇三十二年使將軍蒙恬發兵三十萬久北擊匈奴略取

河南地築城養馬因以名縣馬邑之名始此即今古城址又晉太康地記云秦初築城將成輒崩忽有馬周旋馳走反覆父老異之因依其地以築城乃不崩遂名馬邑附志以備參考

西漢 高祖都長安更定郡國制天下為十三州并治

晉陽分雲中置定襄 武帝置朔方郡雁門郡馬邑

縣仍舊地介雁門定襄之間并州之域 見前漢書

東漢 光武帝都洛陽并省郡國復置刺史亦為十三

州并治晉陽雁門郡馬邑縣仍舊 順帝徙朔方來

治五原 獻帝置新興郡 按靈帝末北部大擾上郡朔方五原定襄雲中五郡

獻帝建安二十年省入冀州魏王曹操始集塞下荒地立新興郡地介其中 見後漢書

三國魏 文帝據有中原都鄴地仍新興郡黃初元年

復徙置并州自陘嶺以北竝棄於外 見三國志

晉 世祖都洛陽分天下為十九州并治晉陽雁門郡

馬邑縣仍舊改新興為新昌轄九原定襄雲中廣牧



晉昌五縣地介其中

按晉書懷愍時中原雲擾劉石符姚占據不常懷帝永嘉四年

并州刺史劉琨以鮮卑拓拔猗盧助討劉虎白部與猗盧結為兄弟表為大單于以代郡封之為代公尋進爵代王猗盧以封邑去國懸遠民不相接乃帥部落萬餘家自雲中入雁門從琨求陞北之地琨不能制且欲倚之為援乃徙樓煩馬邑陰館繁峙嘯五縣民於陞南以其地與之居馬邑即今古城也自後猗盧弟弗之子鬱律鬱律之子什翼捷皆以勇略雄於北方然內難相繼外患遞起晉孝武太元元年符秦乘釁滅之分代為二部自河以東屬之代部大人劉庫仁加封廣武將軍十一年西燕主慕容永又以鐵弗劉衛辰為大將軍朔州牧劉虎白部庫仁衛辰皆匈奴遺種衛辰少子後為赫連勃勃數十年間拓拔氏旋興旋衰至太元十二年拓拔珪中興始克復祖業

北魏

道武帝初都定襄盛樂宮後徙都平城東至代

郡西及善無南極陰館北盡參合皆為畿內地介其

中後魏分東西地屬東魏

按魏太武延和二年於定襄故城置懷朔鎮領郡五

縣十四太和郡轄狄那捍殊新昌三縣廣寧郡轄石門中川二縣神武郡轄尖山殊顏二縣太平郡轄太平太清永寧三縣附化郡轄附化息澤五原廣牧四縣後自孝文遷洛重文輕武邊務弛役同廝養孝明正光中高平懷荒沃野柔元鎮民相繼叛攻陷懷朔武州等鎮孝昌中改懷朔鎮為朔州朔州之名始此地在今州北三百八十里葛榮之亂州廢為北道大行臺爾朱榮所據稱重鎮焉見北齊書

北齊

文宣帝篡東魏都鄴天保六年復置朔州

在今州西

四十七里新城今故址猶存地名沙河

八年徙馬邑

即古城

領廣安郡招

遠縣

在今州西八十里

武成帝太寧中復置北道大行臺地

屬北齊見北齊書

北周 孝閔帝滅齊都長安 武帝保定中置朔州總

管府地屬北周見北周書

隋 高祖都長安開皇初置總管府 煬帝都洛陽大

業初府廢置代郡尋改馬邑郡按隋馬邑郡領縣四郡陽神武雲內閭陽

郡名鄯陽始此今州南有神武村州東有鄯河

唐 高祖都長安武德初改郡為州置朔州或為馬邑

郡領縣二鄯陽馬邑按唐初仍置總管府後改置朔州或為馬邑郡領鄯陽馬邑二

縣鄯陽縣有武州塞本漢定襄縣北魏桑乾郡北齊廣安郡地有紫河發源於此馬邑縣漢屬雁門郡元

宗開元中析鄯陽東三十里於大同軍置馬邑縣南至朔州四十里即今馬邑也州郡本治鄯陽德宗建中中節度使馬燧徙治馬邑後復故治

五代唐 莊宗起太原滅梁都汴以晉陽為北都虢唐

之舊朔仍振武軍 明宗都洛於馬邑置寰州見五代史

五代晉 高祖都汴朔仍振武軍因借契丹兵滅後唐

立為皇帝割幽涿薊檀順瀛莫蔚媯儒新應朔雲武

寰十六州以賂契丹歷漢周至宋竝棄於外見五代史

宋 太祖都汴朔在北漢太原以北地悉屬契丹 太

宗雍熙七年克雲應朔寰四州置吏未幾復陷徙吏

民入關 徽宗宣和五年金人約宋滅遼以武朔二州來歸置朔寧軍七年金人渝盟復陷地仍屬金終宋之世關外諸州旋得旋失內以三關為界見宋史

遼 太祖初起遼東神冊元年破後唐振武軍徙其民

於東 太宗時晉割地後遂以幽州為燕京雲州為

西京於朔州置順義軍領縣三鄆陽縣漢定襄新興

北魏桑乾地馬邑縣漢屬雁門唐析置馬邑地寧遠

縣北齊招遠地見遼史

金 太祖初起女真滅遼後割廣武隸代州於朔州仍

為順義軍領縣二鄆陽馬邑後陞馬邑為固州見金史

元 太祖起蒙古幹灘河 太宗建上都於開平 世

祖都燕以雲中為大同路朔州隸焉領鄆陽馬邑二

縣置錄事等司見元史

明 太祖建都金陵分王畿以外為省 成祖遷都北

平定天下為兩京十三省改大同路為大同府隸山

西布政司轄十一州縣朔州屬焉復即其地分置朔

州衛見明史按朔州舊志載洪武三年指揮鄭遇

常遇春定大同參政傅友德將兵屯朔州三年都督汪興祖克武朔等州二十八年馮勝奉命率列侯籍

太原平陽民為兵伍置衛屯田立東勝大同等衛朔州衛開設年月未詳舊志又載世宗嘉靖四十三年領馬邑縣并有一衛二項必有所據考明史及廣輿記雲中志俱未載亦無冊籍碑記可徵附志以備參考

### 國朝

世祖章皇帝順治元年定鼎北京州仍前制屬大同府十六年裁衛歸州

今上雍正三年於大同右玉林衛分設朔平府割朔州屬馬

朔之命名其來已遠堯典和叔宅朔方則在冀州太原北漢書武帝置朔方郡在今寧夏地順帝徙朔方來治五原在今歸化城至朔之為州則始自北魏初於定襄故城置懷朔鎮後改為州其地在今州北三百八十里則長城邊外矣北齊初置朔州在今州南四十七里沙河遺址猶存繼遷馬邑即今古城址北周置朔州總管府隋初置朔州後改馬邑郡領鄯陽神武等縣唐改馬邑郡仍為朔州於鄯陽東別置馬邑在今州東四十里後唐置振武軍宋置朔寧軍遼置順義軍金復置朔州領鄯陽馬邑二縣元明均為

朔州隸於大同

國初因之

今上新設朔平府朔州屬焉而其名不改遠稽近考在在可指第隋以前馬與朔合而為一唐以後朔與馬分而為二又其所當辨者分別觀之則其地之人與事可以類而推云

疆域

關塞 道路附

雍正三年三月十五日

上諭

周禮稱惟王建國體國經野孟子亦言仁政必自經界始疆界所關誠為至重從來兩省交壤之地其界至多有不清雲貴川廣等處為尤甚間至一省之內各州縣地界亦有不清者每遇命盜等事則互相推諉曠厥鹽茶等有利之事則互相爭競甚非息事寧民之意朕深知此弊今特降諭旨與各省督撫其共矢公心勿存私見詳細清查如與鄰省地界有不清者則兩省各委實在賢員公同勘定若本省內地界有不清者即委其本省賢員勘定地皆朕土人皆朕臣此盈彼絀悉在朕版圖之內無容分視也雖界域間有難定之處但平心勸畫即使稍有不協然一定之後久遠得以遵據永無推諉爭競之處於地方大有裨益矣其舉行此事宜於農

陳之時所派官員不得私受請屬收取餽遺及科派百姓騷擾經過地方如有發覺定重治罪諸督撫各慎為之特諭  
欽此

### 州境

東至州境烟墩村東三十里交馬邑縣十里鋪界  
西至州境蕎麥川西六十五里交神池縣利民堡界  
南至州境沙河鋪五十五里交寧武縣陽方口界  
北至州境西水澗九十里交平魯縣三十里鋪界  
東南至州境南榆林村六十里交馬邑縣廣武城界  
東北至州境泥河村七十里交山陰縣河陽堡界

西南至州境西套村西大水口六十里交神池縣界  
西北至州境鴨子坪一百三十里交偏關縣老營堡  
界 廣九十五里 袤一百四十五里 周三百  
六十里 北二百三十里達 府城 東南四百  
六十里達 省城 東一千里達

### 京都

### 關塞

北邊東自朔平府境邊界接大同府境邊界起歷左  
雲右玉平魯三縣邊界迤西而南至朔州西北二

百餘里交寧武府偏關縣邊界止共長三百餘里  
為外邊

南邊東自代州雁門關山起歷馬邑朔州南山逾寧  
武府陽方口迤西而北至偏關縣老營堡邊界止  
共長二百餘里為內邊

雁門關 在州東南一百里代州界通太原大路

白草口 在州東南七十五里代州界通崞縣小路

蓮花口 在州東南六十里通崞縣小路

石碣谷口 在州南五十里通崞縣小路詳見古蹟

陽方口 在州南六十里寧武界通太原寧武大路

大水口 在州西南六十里寧武界通保德州往陝西  
大路

北岔口 在州西北三十里通西山小路

劉家口 在州北三十里通朔平口外大路

臘河口 在州東北三十里詳見古蹟

道路 陸大路五條 小路二條 水路無

東大路自州東門外起至馬邑縣四十里至山陰縣  
一百里至懷仁縣一百八十里至大同府二百四  
十里至京城一千里

東南大路自州東門外起至廣武八十里至代州一百四十里至省城四百六十里

南大路自州南門外起至陽方口六十里至寧武府八十里

西南大路自州南門外起至大水口六十里至神池縣七十五里至保德州三百二十里逾黃河通陝

西

北大路自州北門外起至井坪六十里至平魯縣一百二十里至府城二百三十里通口外

西小路自州西門外起至魚渠嶺四十里至利民堡六十里

西北小路自州西門外起至范家嶺四十里至老營堡一百四十里

周禮形方氏掌制邦國之地域而正其封疆無有華離所以杜侵爭也而闕塞以備守望道路以通往來皆為疆域所必詳朔在往古或為鎮或為州或為郡或為軍其疆域最大而關塞道路亦阻且長雖閱世已久難以悉指然今平魯東北十里地名朔州嶺則



寥闊可知矣向屬雲中今隸恒陽其地固秦雁門馬  
邑舊壤也闕塞北距長城二三百里南臨雁門寧武  
西接偏關近在百里內外道路東達於京西通於秦  
北及邊外南由闕內至於西北洵四達之衝中外之  
交也官斯土者恪遵

上諭體國經野使土地無曠而慎固封守平易道途庶不  
負司牧之責哉

### 山川

形勝 名景附

龍虎山

一名無忌山在州西北九十里鄂國公尉遲  
氏墓在焉其下有鄂公故宅詳見古蹟冢墓

另

山在州西北九十里龍虎山西北孤峰獨峙不  
與羣山相連因名另山

三塔峴山

即黨家山在州西北三十五里山半有泉  
旱禱雨輒應上建龍王祠

黑梁山

在州西北二十里與三塔峴山相連高出羣  
山之表鄰郡百里外望之皆見雲起西北紫  
氣氤氳為朔山來龍唐豐王墓在其上詳見冢墓

蔣山

在州西南八十里

翠屏山

在州南七十餘里通志作翠峰山即此詳見  
八景

禪房山

在州南七十里與翠屏相連山頂有覆雲則  
雨

神武尖山

在州東南百餘里與禪房山相連古武州之別峰北魏賀拔氏宗族居此

苗家山

在州東北三十里羣山相連石磴崎嶇僅通人行

神頭山

在州東北三十五里洪濤山前上有神婆遺跡下有七泉湧出即灤水也與馬邑縣連界

契吳山

在州東北五十里與洪濤山連

寶峰山

在州北四十里臘河口內中有聖佛巖明嘉靖間忽山麓傾裂見出石佛二尊一老一少

備極神工其光如玉其聲如金居民建寺於上因以名焉

元姬山

在州北三十里北魏道武帝侍姬李氏宛轉善謳卒葬此山上有元姬墓因名

玉屏山

在州北六十里西接襄山金李純甫居此號玉屏山主

彈子山

在州北八十里南有天門山石路峻峭羣峰疊翠上建佛寺旁設茶房南北通衢往來駐

驂與平魯并坪山相連詳見天門山募引

顧北嶺

在州西北四十里昔有土人其母被虜因日登嶺望母死葬嶺上故名

范家嶺

即門家嶺在州西四十里羣山相連中有蹊徑通於邊外皆為出入孔道今止田間往來

魚渠嶺

在州西四十里石上有魚形故名有路通利民堡

雙化嶺

在州西三十里詳見八景

西華嶺

一名黃花嶺在州西五十里西山後時當盛夏尚覺氣寒

鞍子嶺

在州西五十里西山後形如馬鞍故名

單牛嶺

在州西三十里

太和嶺

即惡陽嶺在州東南六十五里詳見古蹟

岷峒河

在州西北十五里發源團堡西

七里河

在州東北七里發源劉家口內酸茨細水泉山泉會岷峒水東流至此

元子河

在州北二十里臘河口南發源元姬山泉經平易村東流至神西村入桑乾水

臘河

在州北二十里寶峰山前中通平魯左雲山塔春冬無水夏秋山水暴漲洪流成河真有

灘響忽高何處雨松陰自轉此山晴之異

恢河

在州南三里詳見八景

沙楞河

在州東南三十里泉湧出脉通海眼晨夕水潮流經賈莊等村人引以灌田東入桑乾

鄯河

在州東五十里發源近村水泉流入桑乾水

泥河

在州東七十里發源近村水泉流入桑乾水州西五里許有泉亦名泥河流入恢河明宗

浩江府築壩種稻今廢

尹家莊泉

在州北三十里發源尹家陡溝二村山溝泉泉冬結成冰春夏開渠引水灌地穆家

寨七里河祝家庄安家庄北鄧庄爭以為利而亦有山水漫田之害

三泉

在州東南六十里三泉村有泉三處方圓盈輪深不可測流入桑乾水

聖水井

在州西北三十里塔魄山下其水潦不溢旱不涸遇旱禱雨輒應

東井

在城東南隅

西井

舊在城西門內大街北因水苦人多不食井廢

南井

在城南門內大街東餘井水皆苦澁獨四井水清味甘居人取汲有木甕八角亭井神祠

北井

在城北門內大街西有井神祠

御井

舊誌載在州北古城內相傳劉武周所穿今廢

十里鋪井

舊誌載在州東七里河西有井泉亭今廢

天德山

在州北長城邊外以下山川或在大邊數

百里外或在今靜樂縣界神池縣界係北魏改懷朔鎮為朔州古定襄地北魏北齊置神武廣安郡地非今州境也舊誌統載不分茲為改正附記於後

夾山

在州北長城邊外數百里

牟那山

在州北長城邊外數百里

燕京山

在州南一百二十里靜樂縣界

東靈山

在州西南百十餘里神池縣界

寧邊河

在州北長城邊外

居延川

在州北長城邊外

天池

在州南一百二十里靜樂縣燕京山

神池

在州西南九十里神池縣界

楊泉

在州西南九十里神池縣界

金龍池

在州東北三十里馬邑縣

形勝

左距雁門右峙偏關南屏寧武居三關之中為南北咽喉東西要路古多置郡今隸恒陽

八景

林衙古刹

在城東門內唐高祖麟德二年契丹國建為林太師府遼統和間其地靈光屢見居

人不安舍為僧居未有名號人以林衙院目之金天德二年賜額崇福禪寺明崇禎四年知州翁應祥題額復仍舊名

廣福鐘聲

在城北門內大街鐘樓上舊誌載金缺壬寅年鑄重一萬二千觔霜辰月霽之秋風

清夜靜之候扣之可聞百餘里其鐘上鑄云匠者按八卦以為爐效五行而成象其聲之洪蓋有自焉

翠屏積雪

在州西南七十里東至石竭谷北接馬驥山南通寧武軍西至托邏臺盤踞二百餘

里山有石洞洞有石佛盛夏翠色耀日寒氣逼人積雪不消

恢河伏流

在州南五十里源出寧武軍山口至紅崖兒村伏流十五里至塔底村南湧出經城

南至馬邑入桑乾河俗呼為南河

豐王古墓

在州西北二十里黑梁山上通考云唐昭宗第三子名祁天佑元年封薨葬於此墓

前有石砌神道周圍有濠塹遺跡

雙化晚照

在州西三十里雙化嶺中有石道盤踞一百餘里嶺下有古寺世傳有二僧共化於

此日西下有靈光回照相傳照十八庄漏明村故名

小峪藏春

在州西三十里北岔山中暖氣襲人草木不凋風景如春

美女釣臺

在州東七里河中有洲若臺流水環遶洪濤巨浪不少湮沒世傳樵牧者於日晡之

際常見美女垂釣

古者國主山川以其為神靈所宅能興雲雨潤萬物而亦因以為表也禹貢分州必以山川定疆界而山之環遶水之滌洄形勢成名勝出焉朔州諸山一支起於西北黑塔塔魄嶙峋突兀嵐光翠藹紫氣氤氳甲於諸峰為郡來龍北接南連其間顧北雙化魚渠諸嶺多勝境其下岍峴水出焉則七里河之源也一支起於南翠屏積雪不消禪房覆雲則雨右雁門東來恒岳句注左寧武西達岢嵐樓煩神武尖山列其上恆河伏流於其下沙楞三泉之水會焉一支起於北玉屏西連元姬寶峰中藏佛巖契吳東接洪濤臘河鄴河泥河統歸桑乾順流而東會渾源以達蘆溝而其間山之巔水之湄鍾靈毓秀峰迴波折引人入勝會心正不在遠備志之使登臨者知所適從披閱者以當卧遊焉

巡幸

封建附

秦 始皇三十二年幸碣石巡西邊從上郡入

見山西通志

漢 高祖三年徙韓王信於代都馬邑信降匈奴帝自

將兵擊之由雁門至平城武帝元封元年帝巡邊陲

躬秉武節置十二部將軍親帥師焉行自雲陽北歷

西河至五原出長城登單于臺勒兵十八萬旌旗千

餘里遣使者郭吉風告單于南面臣漢以太子為質

天子自將待邊各部驚遁乃還

三年復至五原東

濱海北抵碣石由遼西至五原而還

見漢書及山西通志

隋 煬帝大業三年帝幸榆林過雁門太守邱和獻食甚精至馬邑太守楊廓獨無所獻帝不悅以和為博陵太守使廓至博陵觀之由是所至獻食遂出塞外是時天下承平百物豐實甲士五十餘萬馬十萬匹旌旗輜重千里不絕令宇文愷造觀風行殿上容侍衛者數百人離合為之下施輪軸倏忽推移又作行城周二十步以板為榦衣之以布飾以丹青樓櫓悉備胡人驚以為神每望御營十里之外屈膝稽顙無敢乘馬啓民奉廬帳以俟車駕帝幸其帳啓民奉觴上壽拜伏甚恭王侯以下袒割於帳前莫敢仰視帝大悅賦詩詩詳藝文皇后亦幸義成公主帳帝賜啓民及公主金甕各一并衣服被褥錦綵特勒以下受賜各有差帝還啓民從入塞帝遣歸國見隋史

明 武宗正德十二年九月帝幸大同時乘一馬侍從

鹵簿皆不及由州境歷老營堡至偏頭關輕騎戎衣顧闕而笑曰此是偏頭關耶是月二十四日為帝萬壽節從臣皆賀明日雨雪駐蹕十月初四日幸樓子營已漏下二刻旌旗夾道燈火燭空山川震動明晨



從娘娘灘太子灘抵反溝營始進午膳因幸唐家會  
祭河神詔善沒者觀之民李祥應詔連浮二次上喜  
賜酒遂登舟擊楫中流抵西岫幸榆林以西北風猛  
回駕時秦晉兩藩咸集軍旗雲屯聲動山谷

見明紀本末

### 國朝

聖祖仁皇帝康熙三十六年二月二十一日西征厄魯特噶  
爾丹道經馬邑駐蹕城外二十二日 幸金龍池唐  
將軍尉遲恭廟即日次朔州駐蹕貢生盧標宅

### 賜食次日西行

#### 封建 附

漢韓王 名信本韓公子高祖初以太原郡三十一縣  
為韓國徙韓王信王之都晉陽信以國被邊晉陽去  
塞遠請治馬邑許之 見漢書

晉代王 名猗盧本鮮卑拓拔氏初居匈奴故地遷定  
襄盛樂懷帝時并州刺史劉琨與結為兄弟助平諸  
寇表封代公居馬邑後進封為王傳其孫珪自立為  
魏王徙都平城稱帝

北魏梁郡王 名乂羅北道行臺天柱將軍爾朱榮之

子孝莊建義元年以榮有援立功柄國政封其子居梁郡城

唐豐王 名祁昭宗第三子天祐元年封州西黑梁山有豐王墓

晉王 名克用本沙陀朱邪氏其父赤心憲宗時歸唐為振武節度賜姓李生克用於神武川之新城昭

宗乾寧二年以討黃巢功封晉王子莊宗即帝位追封太祖 見唐書

明樂昌王 名聰 缺惠王第三子成化十三年分封弘治三年攝代王事嘉靖三十三年分封朔州止襲管

理府事今城東門內道南有樂昌王府舊址

舊志載 樂昌王一有溫靖端憲芝川等號 鎮

國將軍四 輔國將軍一十三 奉國將軍一十

三 鎮國中尉一十九 輔國中尉一十五 名

糧宗室二十四 有曉亭峒 秦川壘 蒲川鎬

栢川鎬 橋川鎬 榆川鎬 雲川鎬 橋臺

鎬 椿臺鎬 近川鎬 巽樓鎬 震樓鎬 崇

樓鎬 浩江瀆等名號 外儀賓十教授一 典

膳一附志以備參考

易著省方觀民書載巡狩肆覲而建侯樹屏以展親而報功皆鉅典也三代後不常舉行秦漢以來多事

盤遊惟我

聖祖仁皇帝曩者以厄魯特噶爾丹蠢爾相殘赫然一怒命  
駕西征道經州境駐蹕城中存神過化所在謳思夫  
豈隋明之主無事遊觀者比哉若夫鮮卑猗盧之肇  
基元魏沙陀克用之佑啓後唐魏之梁郡明之樂昌  
或以地傳或以名顯載在史冊俱有可考備紀而參  
觀之而法戒昭然矣

### 古蹟

馬邑古城 詳沿革志

鄯陽廢縣 在州城外西北隅古城內本秦馬邑縣地  
北齊置廣安郡招遠縣隋大業初改鄯陽  
今以鄯陽名郡本此

樓煩堡 在州東南四十里按樓煩本林胡地春秋趙  
武靈王破林胡樓煩即此秦置雁門郡樓煩  
縣漢景帝置樓煩鄉屬陰館縣灤水所出晉懷帝  
時并州刺史劉琨因拓拔猗盧有助討功求陜北  
之地徙樓煩於陜南今奇嵐州地

梁郡城 在州西二十里北魏孝莊建義元年加爾朱  
榮北道大行臺封其子乂羅爵梁郡王築城  
居之今其址猶存

鄂國公宅 在州西北九十里上無忌村北有石室三孔相傳為鄂公舊居時有蛇蟲人不敢入其址見在舊志載石竭谷訪之土人以為非是

臘河谷口 在州東北四十里寶寧山臘河口內東西兩山蜿蜒而入通馬邑洪濤平魯黃草左雲大峪等山即唐朔州總管高滿政破突厥兵處

州南城址

在州西南四十七里陽方口北北齊初置朔州在此古名平地今名沙河其址猶存

石竭谷口

在州南五十里禪房山內宋將楊業領兵出西陲大石路擊契丹兵入石竭谷即此

托邏臺

在州西南五十里寧武陽方口西山上即宋王侁使人望楊業進戰處

六郎寨

在州東南八十里白草溝西南山上相傳楊六郎屯兵處與馬邑縣連界

神武村

在州東南五十里神武尖山下即北魏買郡隋置縣地

白

樓 舊志載在州古城內東北後魏納後秦姚興女為后建樓以望故國飾以鉛粉故名今廢

惡陽嶺

即太和嶺在州東南六十五里唐貞觀四年李靖率勁兵自馬邑進屯惡陽嶺即此

通天樓

舊志載在州古城內相傳夏赫連勃勃所建今廢

林太師衙

即崇福寺詳見八景

清平寺

舊志載在州古城西唐初建遺址微存上在今州境內有蹟可考載於前

寧邊州城

在州境西北唐東勝州東南遼置寧邊州金置鎮西軍今其地有寧邊河墩以下

俱在今州境外載於後

武州城

在州境西本趙武州寨漢為雁門郡武州縣晉改縣曰新城後唐李克用生神武州即此

遼金為武州

句注山

在州境東南雁門關西北趙襄子姊為代王夫人襄子欲并代約代王於此使厨人以銅

料擊殺之遂滅代有其地

天地之化往過來續茫茫宇宙不知幾何世矣第今所謂古即古所謂今也其間紛紛紜紜富貴而名泯滅者不可勝數惟一二倜儻非常之人建功立業不沒於世蹟斯傳焉隄弔遺踪裴徊往事趙襄紀句注之山李靖載惡陽之嶺無忌有尉遲故里神武為朱邪舊鄉楊業進兵石碣谷王侁望戰托邏臺他如馬邑鄯陽梁郡太平城垣宛在通天白樓清平林衙故址猶存嗟乎地非人不傳人非事不著後之視今亦猶今之視昔生斯地官斯土果能克自振拔功德與言可以竝垂不朽安見古今人不相及耶後之覽者其亦有感於斯夫

風俗

康熙六十一年十二月十二日

上諭

朕自

皇考賓天哀慕無窮一應典禮俱詳考舊章務盡隆備蓋不

親也但上之所行下必效之向來八旗官員喪葬之事已極

繁費今見朕備禮如此恐風俗以奢僭相尚兵民或致

傾家蕩產甚非朕以禮教天下之意也論語云禮與其

奢也寧儉喪與其易也寧戚禮記云喪事稱家之有無

爾等應將滿漢職官按其品級分別等次其兵丁庶民

喪葬務從約素毋得僭妄詳議定例具奏特諭欽此又

於雍正元年二月二十七日奉

旨昏嫁之禮一竝定例具奏欽此

雍正四年十二月三十日

上諭

賭博之事最壞人之品行若下等之人習此必至聚集匪類作奸犯科放僻邪侈之事多由此而起若讀書居官之人習此必至廢時誤事志氣昏濁何能立品上進乃向來屢申禁飭而此風尚未止息深可痛恨若不嚴禁賭具究不能除賭博之源著京城內外及各省地方官將紙牌骰子悉行嚴禁不許再賣違者重治其罪嘗有窩賭之家誘人入局以取其利嗣後准輸錢之人自行出首免其賭博之罪仍追所輸之銀錢還與之庶使賭博之人有害而無利則其風可以止息矣又見漢軍惡習常以工於馬弔互相誇尚且指此為消閒解悶之具夫既以居官則應辦之事甚多日夕不遑尚恐遲悞安有閒工為此無益之戲且聞有上司與屬員鬪牌為樂者尤非體統大玷官箴嗣後若有官員鬪牌賭博之事著該管上司及該督撫指名題參至禁止賭博宜作何定例之處該部議奏欽此

冠

禮 冠義古者二十而冠冠者禮之始筮日筮賓元服三加三祝所以敬冠事敬冠事所以重禮正容體齊顏色順辭令必冠而後服備嘉事之重者也司馬溫公曰冠者成人之道將責成人之道於人其禮可不重歟我

朝章服各有定式近復於常服之冠亦分品級辨等威明貴賤也服周之冕孔子取其文而得中朱子以為物小而加於象體之上華而不靡費而不奢聖賢之論最為中正彼服奇志淫與脫帽露頂放廢禮法之外者固不足道若乃素冠褻帽升堂見客簡狎不共比於儉父亦非古人重元首之義紳士衣冠中人所宜恪遵品式為庶民倡焉

昏

雍正四年十二月三十日

上諭

賭博之事最壞人之品行若下等之人習此必至聚集匪類作奸犯科放僻邪侈之事多由此而起若讀書居官之人習此必至廢時誤事志氣昏濁何能立品上進乃向來屢申禁飭而此風尚未止息深可痛恨若不嚴禁賭具究不能除賭博之源著京城內外及各省地方官將紙牌骰子悉行嚴禁不許再賣違者重治其罪嘗有窩賭之家誘人入局以取其利嗣後准輸錢之人自行出首免其賭博之罪仍追所輸之銀錢還與之庶使賭博之人有害而無利則其風可以止息矣又見漢軍惡習常以工於馬弔互相誇尚且指此為消閒解悶之具夫既以居官則應辦之事甚多日夕不遑尚恐遲悞安有閒工為此無益之戲且聞有上司與屬員鬪牌為樂者尤非體統大玷官箴嗣後若有官員鬪牌賭博之事著該管上司及該督撫指名題參至禁止賭博宜作何定例之處該部議奏欽此

冠

禮 冠義古者二十而冠冠者禮之始筮日筮賓元服三加三祝所以敬冠事敬冠事所以重禮正容體齊顏色順辭令必冠而後服備嘉事之重者也司馬溫公曰冠者成人之道將責成人之道於人其禮可不重歟我朝章服各有定式近復於常服之冠亦分品級辨等威明貴賤也服周之冕孔子取其文而得中朱子以為物小而加於象體之上華而不靡費而不奢聖賢之論最為中正彼服奇志淫與脫帽露頂放廢禮法之外者固不足道若乃素冠褻帽升堂見客簡狎不共比於儉父亦非古人重元首之義紳士衣冠中人所宜恪遵品式為庶民倡焉

昏



禮 昏義昏禮萬世之始娶於異姓所以附遠厚別  
議昏納采問名納徵請期親迎六禮將合二姓之好  
上以事宗廟下以繼後世君子重之又娶婦之家三  
曰不舉樂恩嗣親也昏禮不賀人之序也文中子曰  
古者男女之族各擇德焉不以財為禮司馬溫公曰  
凡議昏姻當先察其婿與婦之性行及家法如何勿  
苟慕其富貴朔州昏姻論財者少初換帖次納定次  
納聘次通信次完昏做古議昏納采問名請期之禮  
惟不親迎五日後會親拜門肆筵設席非復古禮不  
賀不舉樂之意乘喪嫁娶者亦有之雖一時權變非  
禮也可無謹哉

## 喪

禮 喪記自疾病始卒含殮殯葬慎終送死至詳且  
盡易小過象喪過乎哀詩曰凡民有喪匍匐救之孔  
子曰喪與其易也寧戚孟子曰親喪固所自盡也惟送  
死可以當大事孝經孝子之喪親也為之棺槨衣衾  
而舉之陳其簋簠而哀戚之擗踊哭泣哀以送之卜  
其宅兆而安厝之為之宗廟以鬼享之春秋祭祀以  
時思之小學父母之喪斬衰寢苦枕塊不脫經帶不  
與人坐焉程伊川先生家治喪不用浮屠司馬溫公  
闢天堂地獄之謬是居喪以哀戚為本而尚繁文作  
佛事舉非所宜也朔州喪禮衣衾棺槨祭葬塋墓悉  
依古禮贈賻儀襄喪事者亦有之但士人行文公家  
禮亦作佛事市商農民多請僧道誦經超度有力者  
盛置幡樓自以為孝於親適見其悖於禮而已則何  
益哉

## 祭

禮有祭法祭義祭統其論甚詳其制甚備神有所當  
祭者非其族也不在祀典人亦有所當祭者非其鬼  
也即謂之諂地方當祭之神載在祀典著為定制士  
庶之家止得祀其祖先而又有三代二代一代之分  
大宗小宗之別程伊川先生言家必有廟廟必有主  
月朔必薦新時祭用仲月冬至祭始祖立春祭先祖

季秋祭彌朱子謂始祖之祭古無此伊川先生以義起某當初也祭後來覺得僭遂不敢祭據此則始祖之祭非士庶所得行只可祭四代而已朔州有家廟者少不過設龕置主月朔薦新亦有行之者時祭則元旦清明中元孟冬隨俗拜墓已耳至士子祀先師文昌農祀龍神市人祀闕聖城隍財神各從其類然多聚會斂供演戲四時不絕傷財廢業蕩人心志非美俗也宜急變之

## 正月

元旦夙興燒旺火放花炮陳供祀天地象神祖先畢家衆以次拜跪稱壽畢出拜族黨親友飲食相招彌月乃止立春前一日名為迎春先期塑芒神土牛備春花綵杖郡長官率僚屬農夫執畊具鼓吹張樂迎春東郊次早衆官集公衙鞭牛行禮五日扮紙女形黎明送出門外謂之送窮元宵上元天官誕辰架鰲山燒旺火張燈放花羣相讌飲名鬧元宵十六日郊遊云走百病二十三日煮窩煎餅點燈倉廩炭灰布地剗窖蓋窖名為天倉

## 二月

二日相傳龍擡頭城鄉開廟門祭龍神名為引龍

## 三月

三日一名蟠桃節設醮演戲家各釀醋一名寒食節清明拜掃祭墓架鞦韆

## 四月

初一日起至二十八日止城鄉男女於北嶽城隍等廟進香入聖母廟做古禮仲春二月祀高禱祈佑子孫

## 五月

五日一名天中一名端陽一名朱明門懸艾虎食角黍飲菖蒲雄黃酒採百草繫五色絲綵捉蟊避毒隆師逆女追節十三日闕聖廟演戲祭賽

## 六月

六日晒書曝衣曬麩作麵合醬

## 七月

七日牛郎織女鵲橋之會童女乞巧十五日中元地官校籍之辰致祭先塋薦麻穀焚楮墓前亦有焚於門外當路者作麵美人高尺許名暮和樂

## 八月

十五日中秋夜設瓜果月餅香紙拜月親友相餽已而聚飲

## 九月

九日重陽採菊蒸糕攜酒登高飲茱萸酒隆師逆女追節

## 十月

朔日立冬墓祭略同清明惟裁楮為衣名曰送寒

## 十一月

冬至家祀祖先族黨親友拜賀略同年節或舉或否隆師逆女追節

## 十二月

八日臘節和五豆及米煮粥名臘八粥作臘醋醃肉藏冰二十三日晚設鐺鉛祀竈治行裝名送竈神升上天三十日除夕易門神桃符貼春聯陳供獻修歲事親友拜門辭歲老幼團飲名為守歲多嫁娶

朔州古雁門定襄雲中地曩時為闔外名郡人文蔚  
起科甲蟬聯登仕版者甚夥地勢平行號稱沃野力  
田務農家給人足雲中志載士人勁直率矜名節飭  
廉隅猶存忠厚之風州志載敬老慈幼節用恭儉勤  
於畊耘務於畜牧家塾黨庠書聲洋溢士恥奔競非  
公事不謁有司薦紳先生杜門不問戶外事嫁女以  
擇壻為尚一論財人皆鄙之喪祭悉遵文公家禮是  
敦厚儉勤固朔郡之舊俗也今雖時移勢殊漸以侈  
靡相尚而士食舊德之名氏農服先疇之畝畝淳風  
尚在文運彌新司牧者有厚幸焉第市井宵小男喜  
飲博婦鮮操作壺飡起釁見小輕生鼠牙雀角趨於  
浮薄是在司風教之君子敦大體革薄俗明禮教化  
貪鄙則庶幾禮義之邦矣



